

# Yakobo

## *Yaizéé ac.*

<sup>1</sup> Anutu zéma Miñ Kewunina Yesu Kristo iorac welen qeçe icgira ni Yakobonéñ Israelac hicñisai kisic 12 igucnec hahaya baec séc tuima kecanzu onac yaizéé ac énéézua.

## *Ninzéñ ninzéñ zéma nintegic qindegic.*

<sup>2</sup> (2a) Dacmuna hécna, <sup>3</sup> ini imi ninzéñ ninzéñginawac manam batucnéñ nanan seli mi-hicñi énécmianzac imi ninzu imuac niñac <sup>(2b)</sup> ini manam batuc hénia hénia hicñi énécmiyu séc imuac me imuac niñgic ségiségiyaguc wandac-mac. <sup>4</sup> Waigic imuac me imuac bisiqatéñ kekecnéñ wañgéñu solañanima ic waziwaziya wamma imuac me imuac ménda hochésémañ. <sup>5</sup> Onarunec méñac méñ nindegic qindegicnéñ séha ménda hemizaciguc, Anutu qesimiyu midacmac. Inéñ qesimimu séc ménda zéqetali énécmima sécgina ogicma énécmianzac. <sup>6</sup> (6a) Ic méréñéñ ewa éréhéc wañanzac imi kondun temboña luhucnéñ qema mihilañgéñu yacma salalañgéñzac tanec wanzac. <sup>7</sup> Imuac mia ic imuhuyanéñ Miñ Kewuninawac murunec iwawai méñ memañ imuhuc ménda zéma nim-mac. <sup>8</sup> Ic imuhuya imi hénia imuac me imuac kemmac séc ewa éréhéc, qeka meka wañanzac. <sup>(6b)</sup> Imuac niñ ewa éréhéc komocdia dac méñ ménda wamma ninzéñgéma zéwelecmimac.

*Iwawai hemimia zéma ménda hemimia.*

<sup>9</sup> Ninzén ninzén ic mén maqeqeya keczaciguc Kristoac qeriaiguc meyac mimiawac keczac imuac zézé ségiségi wammac. <sup>10</sup> Wañu dacmuna méñnéñ hofi hinacyaguc kecanzaciguc zariñ éséc bura tima qahac wammac imuac niñac kekec mamayawac niñac Anutu nimmima zéhiaru mimac. <sup>11</sup> Kaiwe geric bélañagucnéñ éréma qézézac qeyu sélécgéma zuria imi mayu imuac kiwiya hiabia imi birima qahac wañanzac. Ic hinac yanda ginaguc imi acguc aigina mema keñkeña imuac suraiguc imuhucyanec sélécgéma qahac wandacmu.

*Manam batuc zéma séwiac siñ.*

<sup>12</sup> Ic mén manam batuciguc nañselima kecanzac imi mériañaguc wanzac. Meseliyu Miñ Kewunén niñu sécgéyuguc kekecac opoc edamuyaguc Miñ Kewunén héñsoroc wañ énécmianzac ionac énécmianñ zé ac zikima zéyec imi énécmiyu késamu. <sup>13</sup> Wañu ic méñnéñ manam batuc hicñimiyu Anutunén batucgénénzac imuhuc ménda zémac. Anutu imi birianén batucgé mimacac séc qahac. Wañu eñeyaoc imi ic méñac mén ménda batucgé mianzac. <sup>14</sup> Wañu ic méñac mén manam batuc hicñimianzac imi mia eñeya siñ birianén hérémima kemma qatémianzac. <sup>15</sup> Wañu siñ iminén tackecma héri haima kápésic mihicñianzac. Wañu kápésic iminén yandima héri haima humuc mihicñianzac.

<sup>16</sup> Dacmuna soroc hécna, galen megic ikoc wañ énécmiwac niñac. <sup>17</sup> Ewa hiawac buña hiabia méñnéñ mén zéma sese solaña méñnéñ mén

imi moczoŋ ounec Maŋgoc asac mararaŋaguc iwac murunec mama haanzac. Iwac muru imi ménzé ménzé haka me ireha melenqeleŋa mén ménda hezac. <sup>18</sup> Iwawai inéŋ zéyu hicŋima keczu imuac suginaiguc neŋaŋ imi héla gocmia walac walac wambiŋ niŋac eŋeya ewa siŋ méndacma ackuazéc hélanéŋ héri haima mihicŋi nénécmiyec.

*Gezacnéŋ niniŋa zéma niŋ tohotohoya.*

<sup>19</sup> Dacmuna soroc hécna, ini yomuhuc nimmu. Ic méŋnéŋ mén focdac gezac haima nimmac, néŋ ac bakia imi focdac ménda melemmac. Waŋu niŋu biriyu qeria focdac ménda yacmac. <sup>20</sup> Qeri biricnéŋ kekec solanŋ dindiŋa Anutunéŋ niŋu sécgéanzac imi ménda mihicŋimac. <sup>21</sup> Imuac bec, niniŋ qakola zéma kaiziliwenŋ haka imi moczoŋ hetecgé gilidacma, qeri uŋagina aŋgéŋ tiénécmiawac kuha, qeri ginaiguc bec himic énécmiyu hezac ackuazéc imi goiya héima aŋgéŋ tima héwiŋa héimu.

<sup>22</sup> Ini ackuazéc imi eŋdac gezacginanéŋ sac nimma ikoc ménda waŋamumu, néŋ niŋtohoma moczoŋ wandacmu. <sup>23</sup> Ic méŋnéŋ mén ackuazéc imi gezacnéŋ sac nimma ménda wamma memac imi ic méŋnéŋ eŋeya séwiac kic ségéraya wikiŋiguc aŋanzac ésécnec wanzac. <sup>24</sup> Eŋeya aŋaŋu tecgéyu keŋkecma kic tanera dimuhucya imi focdac eluŋ qeanzac. <sup>25</sup> Néŋ ic mén héna ac solanŋ kápésic igucnec hulac énécmianzac imi hémma héŋgésima ménda eluŋ qeyu wammanec kecmac imi wawaŋ memeya séc héla mériaŋ mihicŋimac.

<sup>26</sup> Mériñéñ méñ eñeya niñac niñu Anutu ee héihéi wammimia tanec wañuguc kilen ezelaña galeñ ménda mema eñeya ewa qeriyá ikoc wañamumaciguc imi iwac ee héihéi wañmimiawac haka iminéñ eñomia wammac. <sup>27</sup> Anutu Mañgocnéñ niñu buña suruc hiabia imuac ai lalaclalac solañ qeçeya wañanzac imi mia embac maléya zéma merac gupaña inicgaleñ wañ énécmima baecac wawañ meme biria igucnec gésiamuma gocya qahac kekec imi mia.

## 2

### *Haka bakésasacnec ménda wammu.*

<sup>1</sup> Dacmuna hécna, Miñ Kewunina Yesu Kristo edamuyaguc i ninzéñ géanzuiguc imi ic méñac méñ bakésasaciguc ménda énépésimu. <sup>2</sup> Onac tocgotocgo amaiguc ic méñ méria merawaiguc binenñ golinéñ memeya haiyu hiñgaru owo maleku héñsoroc sorocgia hima éreyu duña ic maqeqeya méñ owo malekuya qakolayaguc hama érémaciguc <sup>3</sup> ini ic owo maleku héñsoroc sorocgia hima érezac iwac muru liliñgé hémma you hama tatak hiabia yomuaru tacna zéma ic maqeqeya iwac niñac zéma gi hia imuaru nanna me hénanaiguc mama tacna zémuiguc imi <sup>4</sup> ini niñgic, eñañ eñaocnec héñgési wañamuma niniñ birianéñ niñgésima gésigési icya séciguc kecanzu tanec ménda wanzac me?

<sup>5</sup> Dacmuna soroc hécna zéwa niñgic, Anutunéñ baec yomuaru ic maqeqeya gésima énépésima ninzéñ ninzéñgina meyandi énécmima i siñ nimianzu ionac mia iwac héñgaleñ ama areña

yanda ara zikima buŋa qeénécmiyec imi mératéc énécmiyu késagic. <sup>6</sup> Néŋ ini imi néwécgeŋa ic mageqeya mema titi waŋ énécmianzu. Waŋu méré méré eneŋ yéwéri mihicŋi énécmima aciguc onopocanzu me? Imi mia ic hinac soukiwaginaguc. <sup>7</sup> Waŋu onac unuruma Kristoac tohotoho ichéra zéanzu qacgina eebipiyaguc imi ic soukiwaginaguc ieneŋ zébiri qébiri ménda waŋanzu me? <sup>8</sup> Ini imi kiwi téréyaiguc hezac séc gi geŋga niŋac goi héihéi waŋamuanzaŋ éséc alagawac imuhuyanec wammiwésémaŋ zéyec héra ac eneŋa imi niŋtoho waŋanzuiguc imi hia wanzu, <sup>9</sup> néŋ ini goi héihéi imi bakéساسaciguc soukiwa ic ionacnec waŋ énécmianzuiguc imi késpedesic waŋkeczu. Imuhuc waŋgic héra acnéŋ késpedesic ic zéma zétecgé énécmimac. <sup>10</sup> Méŋnéŋ méŋ héra ac moczoŋ niŋtoho wamma kecma momacguc ménda tohoma qonzontoŋ gémac imi, héra ac moczoŋ yanda logizac wanzac. <sup>11</sup> Imi mia kaisero ménda wambésémaŋ zéyec inéŋnec mia icac kekec humuiguc ménda opocbésémaŋ zéyec. Imuac bec kaisero ménda wamma icac kekec méné humuciguc opoczaniŋguc gi bec héra ac imi logizaŋ wanzac. <sup>12</sup> Ini imi nalé ménda sosoliyu hulac énécmimac niŋac énécmiyec héra ac qelia imuaru namma gési énécmimacac hezac. Imuac héra ac qelia imuac séciguc namma acgina zéma hakagina wammu. <sup>13</sup> Wésé nininŋ qahac hakagina waŋanzu ionac imi wésé nininŋ qahac zégési énécmimac. Wésé nininŋ iminéŋ zégésigési imi ogicma eneŋa wanzac.

*Ninzéh ninzéh wawan memeya qahac imi humumia.*

<sup>14</sup> Dacmuna hécna ic méhénéh ni ninzéh ninzéhnguc keczua zémaguc wawan memeya qahac kecmaguc imi iwac muru némac hiabia méh hicnimimac? Ninzéh ninzéh imuhuyanéh eheya hia mehiaru mimacac séc wanzac me?

<sup>15</sup> Ic me embac dacmunagina méhénéh séwi usuya zéma nene iwawaiya qahac kecanzaciguc

<sup>16</sup> Onarunec méhénéh kuanec sac ézéma ala, bénzéh nec hama kenna; Kemma geric zonimma nene nena sécgé géhu. Imuhuc ézéma séwiac iwawai méh ménda mimaciguc, ac iminéh némaciguc méra mimac? <sup>17</sup> Tanec imuhuyanec, wawan memeyanéh ménda hemiyu ninzéh ninzéh eheya imi humumia wanzac.

<sup>18</sup> Wañu méh yomuhuc hia zémacac séc; Gi ninzéh ninzéhngaguc, wañu ni wawan memenaguc, imuac ninzéh ninzéhnga wawan memeya qahac imi nézéna hémma ni wawan memenaiguc ninzéh ninzéhna gézéwa hénna. <sup>19</sup> Gi Anutu momacguc keczac imi ninzéhngéanzañ. Imi hia wanzañ. Uña biria acguc iwac ninzéhngéma zénéngina hiriyu kecanzu. <sup>20</sup> Oh, ic watalaña gi, ninzéh ninzéh wawan memeya qahac imi gorosña wanzac imi niñasarimañ zé wañgénezac me? <sup>21</sup> Neñañ esañ ambécnina Abarahamnéh naña Isaka zaki téréya qahaiguc haimiyec. Nalé imuaru Anutunéh ic solaña zémiyec. Gi ninna imi wawan memeya niñac qahac tanec wanzac me? <sup>22</sup> Oloñ ninzañ éséc nec ninzéh ninzéh iminéh iwac wawan memeyaguc momac nec aiya meyc wawan memeya néh nec ninzéh ninzéhna

imi solañaniyec. <sup>23</sup> Imuac kiwi téréya méñiguc yomuhuc zézac imi hélaguc wañec, Abarahamnéñ Anutu ninzéggé miyu haka imuac mia niñu solaña wañec. Wañu ic imi Anutuac alaya zémimia wañec. <sup>24</sup> Imi hénni, ic méñnéñ ninzén ninzénanec qahac, néñ wawañ memeyaguc niñac wamma ic solaña zémimia wanzac. <sup>25</sup> Wañu imuhucyanec héna yanda embac Rahap imi kicgaleñ ic méli énécmigic\* keñgic imi unuruma héna méñunec méli énécmiyu keñgic wawañ meme imuac mia solaña zémiyec. <sup>26</sup> Séwi qeri uñaya qahac hezac imi séwi humumia, imuhucyanec ninzén ninzén wawañ memeya qahac imi humumia.

### 3

#### *Ezelañgina galeñgému.*

<sup>1</sup> Dacmuna hécna, ini kiwi ic wamma kecziñ neñañ késpedesicninawac kitiwa réwéria mihicñiwiñac hezac imi niñasarima kiwi ic sécnina ménda ogicma wambiñ. <sup>2</sup> Neñañ moczoñ yanda iwawai sasalaiguc qonzontoñ géma mama nunuanzac. Imuac ic méñ ackuazécyaiguc késpedesira méñ ménda hezaciguc ic imi solañ dindiña. Ic imuhuyanén séwiya moczoñ yanda pinzuña hai amuma dindiñanec kecmacac séc wanzac. <sup>3</sup> Neñañ becosic eneñ acnina tohomu niñac kuaginaiguc pinzuñ haima séwígina moczoñ hérékeñ héréha wañ énécmianziñ. <sup>4</sup> Wañu konduniguc zéic héñgic. Zéic imi kuney yanda, wañu luhuc selianén mihilañgéyu

\* **2:25:** Girik aciguc; kua meme ic.

keñanzac, néñ qindi qindiñiya komocdia dac imi haima nesinesi icyawac ewa siñ hezac séc nesima keñha wañanzac. <sup>5</sup> Imuhucyanec ezelañ imi séwi ninawac kitiwa komodia mén, wañu wawañ meme kuneñ yandawac tétéc qeçe ac zéanzac.

Héngic, geric lokoc komocdia dac ménhénéñ zéléñ baec yanda zeric qericdama keñanzac imi hémma nimmu. <sup>6</sup> Ezelañnina imi geric lokora, biriayanén séwiya moczoñ mesécgé mima eñeya buña késayu séwiya imi iwac baec kurumeña wandaczac. Séwininawac kitiwa sasala sugginaiguc inén séwinina moczoñ yanda mebirima karisi hénia éséc nec lelecgéma kemma hicñisaiya hicñisaiya zeric qeric wañ énécmianzac. Wañu zeric qericac kuha imi geric siawac bélaña iguc nec haanzac. <sup>7</sup> Yañqesi hénia hénia zéma nei zuku hénia hénia zéma zinimokoleñ hénia hénia zéma konduñ qeriaiguc iwawai kekec ginaguc hedaczu imi icnéñ mebélacgé énécmigic ionac niniñ nec méndac énécmianzu, néñ <sup>8</sup> ezelañnina imi ic ménhénéñ mén mebélac gémacac séc qahac wanzac. Imi biria ménda sima aiya meanzac. Wañu iwac muru imi kumiñ humuc mihicñi nénécmimianén sécgéma hezac. <sup>9</sup> Ezelañ iminéñ nec neñañ Miñ Kewu mañgocnina mepésimima legicya héima iminéñ nec acguc ic tosara Anutu eñeya tanera méndacma meénécmimia imi saecgé énécmianziñ. <sup>10</sup> Kua imi momacguc, néñ imuarunec mozoc ac zéma saec ac momac nec maanzac. Dacmuna hécna haka imi nimba ménda sécgézac. <sup>11</sup> Doku kiwa momacgucnéñ doku saola zéma



howuc howura momacnec mihicņi nénécmimac me? <sup>12</sup> Dacmuna hécna, ini niņgic fik icac uranéņ oliwa gocmia hia haimac? Waņu waiņ icac uranéņ fik gocmia hia haimac? Qahacgucnec!, imuhucyanec doku howec yagucnéņ doku saula mihicņi nénécmimacac séc qahac.

*Niņteġic qiņteġic ou kurumeņ igucnec hahaya.*

<sup>13</sup> Onarunec méréneņ niņteġic qiņteġic zéma niņiņa asacasaria keczac? Ineņ haka hiabia wamma gum bénzénzēja niņteġic qiņteġicya igucnec hahaya iminéņnec wawaņ memeya imi menénécmiyu hémbiņ. <sup>14</sup> Waņu onac ewa qerigi-naiguc nimbupuc howuc kétiņkétiņa zéma féngéc hakanéņ héwiwiņ gézaciguc ackuazéc héla qema tétéc qeqe zéma ikoc ménda wammu. <sup>15</sup> Niņteġic qiņteġic imuhuya imi kurumeņ igucnec ménda maanzac, neņ baec igucnec zéma ic séwi siņ igucnec zéma Biria miņinawac murunec haanzac. <sup>16</sup> Hénia yomuhuc niņac mia imuhuc zézua; Nimbupuc zéma hémbaoc hezac imuaru hazéc zéma haka biria hénia hénia hezac. <sup>17</sup> Néņ niņteġic qiņteġic kurumeņ igucnec hahaya imi walac ewa qeri météréya zéma luae, gum bénzénzéņ, niņtoho, wéséniniņ zéma héla gocmia hiabia sasala mihicņima bakésasac qahac, kiciguc welen qeqe qahac, imuhucya. <sup>18</sup> Luae qeqe icnéņ luae qesama kekec solañawac héla mihicņianzac.

## 4

*Baecac ala siņ.*

<sup>1</sup> Sucginaiguc euqac zéma tualefic imi dimuacnec haanzac? Imi mia séwi taséhécgina

sucginaiguc tosara euqac wawaṇawac siṅginaguc keczu ionac murunec haanzac. <sup>2</sup> Ewa siṅ kunenṅ yanda waṇénéc mianzac, néṅ ménda mihicṅjizu. Unu humu waṇamuma nimbupuc waṇanzu, néṅ hia mihicṅjimuac séc qahac wanzac. Imuac mia ini euma hazéc ac waṇamuzu. Waṇu hénia héla imi zéwelecgina qahac kecanzu imuac niṅac ménda mihicṅṅi keczu. <sup>3</sup> Waṇu zéwelecmima kilenṅ ménda mihicṅjizuiguc imi eṅaṅ siṅginawac menec qenec wammu niṅac sigima zéwelecgic. <sup>4</sup> Kaiseroac ic embacya ini, baecac iwawaiyaguc ala wamma kekec imi Anutuac hazéchéra wamma kekec wanzac imi ménda niṅacgézu? Imuac ic méréneṅ baec ala wammimaṅ zé ewa ewa waṇanzac imi eṅeyaoc Anutuac hazéra wawaṇa wanzac. <sup>5</sup> Ini kiwi téréyaiguc Anutunéṅ Uṅa Téréya méli nénécmiyu ewa qerininaiguc kecanzac Uṅa Téréya iminéṅ mia nimbupuc wammacac séc waṅ énécmianzac zéyec,\* néṅ ini imi ac imuac niṅṅic eṅomia wanzac me? <sup>6</sup> Waṇu imi sac qahac, néṅ inéṅ ewa hiawac buṅa kunenṅ yanda nénécmianzac. Imuac yomuhuc zéyec; Anutunéṅ tétéc qeṅe ic nesi énécmiyu keṅṅic ewa qerigina memaamuma keczu ionac mia ewa hia waṅ énécmianzac. <sup>7</sup> Imuac ini Anutu niṅtoho wammimu. Imuhuc wamma Biria miṅjina hazéc wammimu. Imuhuc wammigic qizizṅṅé énécmimac. <sup>8</sup> Anutu hosucgémgic, imuhuc waṅṅic i acguc hosucgé énécmimac. Biria meme ic ini méragina zuacṅic lalaclalac wammac.

\* **4:5:** Tosara imi yomuhuc melemma ogic hezac; Anutunéṅ qerininaiguc uṅanina hai nénécmiyu hezac imuac héṅṅalen wammianzac.

Ewa qerigina kenhéi hahéi waɲanzac ini ewa qerigina métérégic lalaclalac wammac. <sup>9</sup> Qerinéŋ yai wisisiŋaguc zésiac wamma ewa biric wammu. Zédesigina melenɟic zésiaciguc, zézé ségiségigina melenɟic niŋ yéwériiguc kemmac. <sup>10</sup> Miŋ Kewuac kiwaiguc memaamumu, inéŋ meenɟ énéc mimac.

*Ic tosara ménda niŋgési  
énéc mimu.*

<sup>11</sup> Dacmuna hécna, zébiri qébiri ménda waɲamumu. Mérénéŋ ménɟ dacmunaya zébiri mizac me gésimizac imi hénac ac zébirima gésizac wanzac. Hénac ac gési keczaŋiguc gi hénac ac tohotoho ic qahac, néŋ gésigési ic keczaŋ. <sup>12</sup> Hénac ac miŋina zéma gésigési ic imi momacguc sac keczac. Inéŋ mia bénzénɟ aŋgénɟ tiénéc mimac me bénzénɟ mebiru énéc mimacac séc. Néŋ gi méré icnéŋ alahécgina gési énéc mianzaŋ.

*Oranɟucac niŋkumuma tétéc qeɟe wammuac  
ménda hezac.*

<sup>13</sup> Zéwa niŋgic, sugina igucnec tosara erac me oranɟ nini taunɟ imuaru me imuaru kemma soukiwa ai mema kosia mema kecni yawunɟ ménɟ tecgéyu hawiŋ. Imuhuc zéanzu ini ac yomi nimbésémaŋ; <sup>14</sup> Oranɟuc némacnéŋ hicŋi énéc mimac imi ini ménda niŋzu. Kekecgina imi némac iwawai? Ini imi baec wéséséya nalé hotoŋa dac kecma aocgéanzac imuhucya. <sup>15</sup> Imuac ini néwécgeŋa yomuhuc zémuac hezac, Miŋ Kewuninanéŋ niŋu sécgéyu nini kecma ai imi mewinɟ. <sup>16</sup> Ini deguc tétéc qeɟe ac enomia wamma séwi enenɟ wanzu. Waŋu tétéc qeɟe ac imuhucya imi moczoŋ biria wanzac. <sup>17</sup> Imuac

mia ic mérénéŋ wawaŋ meme hiabia wawaŋawac séc niŋtegic qinŋtegicya hemiyuguc kilenŋ ménda waŋu késpedesicya wanzac.

## 5

### *Ic soukiwaginaguc ionac goro ac.*

<sup>1</sup> Hinac zéma soukiwa yandaguc keczu ini gezac haima niŋgic. Zéra waiya hicŋi énécmimacac hezac imuac nimma qac siac wammu. <sup>2</sup> Hinac mériaŋgina imi houdaru owo malekugina imi qakolanéŋ qedaczac. <sup>3</sup> Goli siliwaginanéŋ hufeŋaguc wandaczac. Waŋu hufeŋa iminéŋ geric ésécnec séwi busugina nema héniagina zéaumac. Ini imi nalé tetcgiaiguc hinacgina qauqau haigic enzac. <sup>4</sup> Ninzu, ai ic tosara onac aiginaiguc héla tocgogic imuac ai boŋagina aŋgétima ménda énécmigic ai boŋa iminéŋ qaczac. Waŋu tocgotocgo ai megic ienenŋ siacgic Miŋ Kewunina, Miŋ Kewu Pupunda iwac gezawaiguc hiŋgaczac. <sup>5</sup> Ini baeciguc hémbaoc wamma iwawai hiabianéŋ mezeric amuma kecma unu hézéŋ hézéŋgiawac naléyaiguc ewa qerigina halécya dépaŋ yanda waŋu keczu. <sup>6</sup> Waŋu ini ic solaŋa imuac mia késpedesicyaguc zéma zétecgéma qehumugic. Waŋu inéŋ musuqeŋe ac ménŋ ménda melenŋ énécmiyec.

### *Qenzen manzeniguc naŋselimu.*

<sup>7</sup> Imuac dacmuna hécna, ini nalé horugiyu naŋselimanec kecgc Miŋ Kewunina harémac. Himicnec qimicnecac icyanéŋ héla gocmia baec igucnec hicŋianzac imuac mambéc kecma

niñselima kia naléya zéma kaiwe naléyawac\* mambéc kecanzu. <sup>8</sup> Ini acguc ewa qerigina niñseligima nalé horua nañselima kecmu. Miñ Kewuninawac hahayawac nalé imi ducñizac. <sup>9</sup> Eñaoecnec diric doroc ac ménda wañamumu, ac imi tohoma kecgic gésigésiac zéranéñ qiziziqgé énécmima kemmac. Ninzu gésigési icnéñ hosucgé énécmima naguiguc sénganğen nanzu. <sup>10</sup> Dacmuna hécna, kua meme ic Miñ Kewuninawac qaraiguc zégic i inicgic zérabéra zéma mambéc kekec horua imuac sésécgina wammu. <sup>11</sup> Ninzu nañselima kecanzu ionac nimma mériañ ginaguc zéanziñ. Ini Yop ac nanañ seli imi gezac ginanéñ niñgic. Wañu Miñ Kewuninanéñ tetcgiaiguc dimuhuc wammiyec imi oloñnindaczu. Miñ Kewunina imi méñac méñ ogicma ewa biric zéma wésé niniñ kuney yanda wañ nénécmianzac.

<sup>12</sup> Dacmuna hécna, ac méñ méndagucnec zéselimu. Ac imuac niñgic ac tosara onogicma réwéria wammac. Kurumeñac qaraiguc me baecac qaraiguc iwawai tosara méñac qaraiguc korama ménda zéselimu. Niñgic oaec wañu oaec zému, wañu qahac wañu qahac zému. Imuhuc ménda wañgic, késpedesic ginaguc zéénécmiwac niñac.

*Ninzéñgéma zéwelectmu.*

<sup>13</sup> Onarunec méñnéñ yéwéri mihicñizaciguc imi Anutu zéwelec wammimac. Méñnéñ méñ ségiségiiguc keczaciguc imi mepé qepésiac legic

---

\* 5:7: Girik aciguc; Kia walaha zéma kia tetcgia.

héimimac. <sup>14</sup> Onac murunec ménj hafi zepayaguc keczaciguc imi hénarinj ionac qeriac galen unuruyu hama Miñ Kewuninawac qaraiguc halécnéj naec mima zéwelecmu. <sup>15</sup> Zéwelecgina ninzénj ninzénjginaiguc wawaña imi hafi ic mehiaru énécmimac. Miñ Kewuninanénj hafiya igucnec meyacmimac. Wañu kápésic ménj wañeciguc imi acguc waimimac. <sup>16</sup> Imuac bec kápésicgina zézuac wañamuma hafigina hiarumac niñac nañgé amuma zéwelec wammu. Ic solañanénj zéweleru kuhaguc zéma hélaguc wañanzac. <sup>17</sup> Elia imi héniaya ic omaya neñañ ésécnec, néj inénj kia ménda hamac niñac solañanec weleru yawuñ haréwéc zéma maso 6 imuac séc baeciguc kia ménda mayec. <sup>18</sup> Wañu muñguc weleru kurumeñnéj kia haiyu mayu baecnénj héla mihicñiyec.

<sup>19</sup> Dacmuna hécna, onarunec méñnéj ackuazéc héla waima rouc keru ic méñnéj nañgémiyu lilingéma hamaciguc imi <sup>20</sup> nañgémiyec inénj lilingéma hayec iwac qeri uña imi humuc igucnec añgéña tima kápésicya sasala osodaczac. Ini hénia imi niñtegiemu.

**SISIPAC AC QJELIA**  
**The New Testament and Psalms in the Kube Language**  
**of Papua New Guinea**  
**Buk Song na Nupela Testamen long tokples Kube long**  
**Niugini**

copyright © 2012 Global Bible Translators

Language: Mongi (Kube)

Translation by: Global Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-23

---

PDF generated using Haiola and XeLaTeX on 21 Feb 2024 from source files dated 31 Aug 2023

0403b50f-078d-52e2-a203-056e8a430665